

二
賈
總
解

四本二十二卷四
八種共十六本

金匱懸解卷十六

內傷雜病

昌邑黃元御坤載著

胸痺心痛短氣

胸痺心痛之病。濁陰逆犯清陽。責在肝腎之陰盛。心肺之陽虛。而其原總由於中氣之敗。胃逆則濁陰不降。脾陷則清陽不升。是寒水凌火。風木賊土之根本也。陽宜降也。陽中之濁氣宜降。而清氣不宜降。陰宜升也。陰中之清氣宜升。而濁氣不宜升。濁陰升而清陽降。則陽陷於下。而陰填於上。清虛冲和之位。變而爲痞滿結鞭之所。陰賊橫逆。宮

城填塞。君主失守。陽神奔敗。此胸痺心痛所由來也。失升降之職。易陰陽之部。非緣中氣虧敗。何至於此。仲景於破結開痺之中。而示人參一湯。所謂握要而警策者矣。

胸痺心痛

師曰。夫脈當取太過不及。陽微陰弦。卽胸痺而痛。所以然者。責其極虛也。今陽虛。知在上焦。所以胸痺心痛者。以其陰弦故也。

診脈當取其太過不及。以定虛實。寸爲陽。尺爲陰。寸旺於尺。人之常也。寸微是陽虛於上。尺弦是陰盛於下。弦爲肝

脉應見於左關尺弦者。水寒不能生木。木鬱於水而不升也。木不升則脾必陷。肝脾所以升清陽。肝脾鬱陷清陽不升。是寸之所以微也。陽不敵陰則陰邪上犯濁氣填塞。是以胸痺宮城逼窄。是以心痛。所以然者責其上焦清陽之極虛也。陽在上今寸微陽虛。因知病在上焦。其上焦所以胸痺而心痛者。以其尺脉之弦也。陰氣盛而侵微陽。濁邪上而凌清位。故窒塞而不開鬱衝而不宣也。此脈之不及而病虛者。

胸脾短氣二

平人無寒熱短氣不足以息者實也。

若夫平人外無寒熱之表證忽而短氣不足以息者此必
隧道壅塞而不通或有宿物阻格而不達是實證也實則
宜泄當以行痰開閉之方除舊布新之法排決菀陳則氣
降而息順矣脉之太過而病實者。

胸痺心痛短氣三

胸痺之病喘息欬唾胸背痛短氣寸口脉沈而遲關上小緊
數苦蕢薤白白酒湯主之

胸痺之病凡喘息欬唾卽胸背疼痛短氣喘促寸口之脉
沈而遲關上之脉小而緊數是中氣不通濁陰上逆氣道

痞塞而不通也。苦蘘薤白白酒湯。苦蘘。滌痰而清煩。薤白。白酒開壅而決塞也。

苦蘘薤白白酒湯 百二十

苦蘘實 一枚 薤白 半觔 白酒 七觔

右三味同煮取二升分溫再服。

胸痺心痛四

胸痺不得臥。心痛徹背者。苦蘘薤白半夏湯主之。

胸痺不得臥。心痛徹背者。是陰邪上填衝逼心宮。而胸膈痞塞。氣無前降之路。膈上莫容。是以後衝於脊背也。苦蘘

薤白半夏湯。苦蘘。綠痰而清煩。薤白白酒半夏破壅而降逆也。

苦蘘薤白白酒半夏湯 百二十一

苦蘘實 一枚 薤白 三兩 白酒 一斗 半夏 半觔

右四味同煮。取四升。溫服一升。日三服。

胸痺心痛五

胸痺。心中痞。留氣結在胸。胸滿。脇下逆。搶心。枳實薤白桂枝湯主之。人參湯亦主之。

胸痺。心中痞塞。濁氣留結在胸。胸膈壅悶。脇下氣逆。上搶

於心。是皆胆胃逆升。濁陰不降之故也。枳實薤白桂枝湯。枳實薤白。破壅塞而消痺結。苦蘘桂枝。滌濁痰而下衝氣也。人參湯。參朮。燥土而益氣。薑甘。溫中而緩急。亦主之也。枳實薤白桂枝湯 百二十二

枳實

四枚

厚樸

四兩

苦蘘

一枚

薤白

半觔

桂枝

一兩

右五味。以水五升。先煮枳實厚樸。取二升。去滓。內諸藥。

煮數沸。分溫三服。

人參湯

百二十三

人參

三兩

白朮

三兩

甘草

三兩

乾薑

三兩

右四味以水八升煮取三升溫服一升日三服。

胸痺短氣六

胸痺胸中氣塞短氣。茯苓杏仁甘草湯主之。橘枳生薑湯亦主之。

胸痺胸中氣塞短氣。是土溼胃逆濁氣痞塞肺無降路。是以短氣。肺氣堙塞則津液凝瘀而化痰涎。茯苓杏仁甘草湯杏仁利氣而破壅。苓甘補土而泄溼也。橘枳生薑湯橘皮破凝而開鬱。枳薑泄滿而降濁也。

茯苓杏仁甘草湯

百二十四

茯苓 三兩 杏仁 五十枚 甘草 一兩

右三味。以水一斗煮。取五升。溫服一升。不差更服。

橘枳生薑湯 百二十五

橘皮 一觔 枳實 三兩 生薑 半觔

右三味。以水五升煮。取二升。分溫再服。

胸痺七

胸痺緩急者。薏苡仁附子散主之。

胸痺緩急者。水土溼寒。濁陰上逆。肺氣鬱阻。胸膈閉塞。證有緩急不同。而總屬溼寒。薏苡附子散。薏苡泄溼而降濁。

附子驅寒而破壅也。

薏苡附子散 百二十六

薏苡 十五兩 附子 十枚 炮

右二味。杵爲散服方寸七。日三服。

胸痺心痛八

心中痞。諸逆心懸痛。桂枝生薑枳實湯主之。

心中痞塞。諸氣上逆。心懸作痛。以膽胃不降。胸膈鬱滿。阻
礙厥陰升路。衝擊作痛。桂枝生薑枳實湯。枳薑降濁而泄
痞。桂枝疏木而下衝也。

桂枝生薑枳實湯

百二十七

桂枝 三兩 生薑 三兩 枳實 五枚

右三味以水六升煮取三升分溫三服

胸痺心痛丸

心痛徹背背痛徹心烏頭赤石脂丸主之

寒邪衝逆凌逼心君故心背徹痛烏頭赤石脂丸烏附椒
姜驅寒邪而降逆赤石脂護心君而止痛也

烏頭赤石脂丸

百二十八

烏頭 一分 蜀椒 二分 乾薑 一兩 附子 半兩 赤石脂 一兩

金匱要略
卷一
六
內傷雜病

右五味。末之。蜜丸。梧子大。先食服。一九。日三服。不知。稍

加。附方。

九痛丸 八

治九種心痛。兼治卒中惡。腹脹痛。口不能言。又治連年積冷。流注心胸痛。並冷氣上衝。落馬墜車等。皆治之。

附子 三兩

巴豆

一兩去皮心
熬研如脂

生狼牙

一兩
炙香

吳萸

一兩
炒

人參 一兩

乾薑

一兩

右六味。末之。煉蜜丸。如梧子大。酒下。強人。初服三丸。日

三服。弱者服二丸。

狼牙。瘡家敷洗之藥。用之心痛方中。甚屬無謂。去此一味。換橘皮一兩。減巴豆十分之七。可也。

一兩部已見上卷力可

天下無家如夫之樂民之心也

金匱懸解卷十七

內傷雜病

昌邑黃元御坤載著

腹滿寒疝宿食

腹滿寒疝宿食病之相因者也。寒水風木之邪合而賊土。土溼脾陷。迫於風水之侵滯。塞不通。是以腹滿。所謂腎氣實則脹者。雖寒水之侮土。其中未嘗無木邪也。風木上鬱而尅溼土。則爲脹滿。風木下鬱而陷寒水。則爲疝瘕寒疝者。風木之下鬱於寒水而凝結者也。土之所以化穀者。火也。寒盛火衰。水穀不化。是謂宿食。宿食旣停。壅遏中氣。變

虛而爲實。故宜攻下。攻下雖行。而其始實屬寒。因此三證悉以寒爲病本。總因於少陰之勝。趺陽之負也。

腹滿一

趺陽脉微弦。法當腹滿。不滿者必便難。兩胕疼痛。此虛寒從下上也。當以溫藥服之。胕音區。脇也。

趺陽脉在足趺上

即衝陽也。

微弦者肝膽之氣也。脉見微弦

則木邪剋土。戊土賊於甲木。胃逆而濁氣不降。法當腹滿。若不腹滿者。則甲木不賊於戊土。乙木必賊於巳土。脾陷而清氣不升。法當便難。以脾陷肝鬱。不能行其疏泄之令。